

KODAK Gray Scale


LICENSED PRODUCT

A 1 2 3 4 5 6 M 8 9 10 11 12 13 14 15 B 17 18 19



漢口林取譚

ル 5
1307
1



門牌 1307
號 1

1307
1

道光壬午小春



漢口叢譚

芳遠夏

止齋題



序

癸未人日冒雪赴西城飲歸自黃鵠山麓至東坡一路瑤林
瓊樹朗朗如在玉山上行甫入門呼兒煖雪烹茗見范君白
舫漢口叢談列几上乘醉披讀遂至終卷而止白舫有儁才
而家貧工誣尤善詞合姜史蘇辛爲一手浙東西無出其右
游漢上與常芝仙交最久芝仙善畫白舫善詞得兩人一畫
一詞並稱雙絕皆隱君子也嘗持茗谿漁隱圖示予見圖中
題跋詩詞俱超逸有致度置箱篋者四三年忽傳白舫自巴
東來始促予題其圖云茗水泠泠雪水瀦瓜皮流入范蠡湖
分明自號鳴夷子又作烟波一釣徒蓋贊其高也白舫因爲
予述巴蜀山水之奇與臨洮陸秀三攜酒下榻于巴山灤水
間戀戀有故人情秘歸爲屈清烈公故里舊有祠秀三于正



漢口叢談

序

月庚寅招白舫具酒漿果餌爲文以壽于祠下白舫以事牽
未來亦謹寄桂棹一器湘月詞一闕以助祭予讀秀三文佳
白舫詞亦佳靈均之後又得二妙矣白舫初在漢上與黃穀
原同居其相莫逆如芝仙後穀原屢徙于鄂始克卜築于臙
山之東予亦棄官隱東坡與穀原相鄰近白舫旣時時過從
又嘗得芝仙作渡江游俾予周旋跌宕其中攜手登城樓見
郭外左江右湖遠峯近巒送夕陽迎素月以抒寫其胸懷詩
畫之趣楚中自有此山水來不知其幾千百年未見有嶽崎
歷落如吾數人者豈徒逐逐車塵馬足間且或嫌其荒遠遼
澗而置之不必問然後知山水詩畫之奇往往見阨于藝客
要人而爲嶽崎歷落之士所心賞者亦未易多覩乃至今而
始有吾數人不可謂非茲地之幸抑此中或別有數焉存乎

白舫旣以其在漢上聞見者編爲叢說予亦以其在荆湖採
錄者彙爲知舊詩鈔其意豈異也自古羈人游士所過通都
大邑必有山水供登臨山水之隱見異同必有詩詞備攷證
其錯處乎山水者古寺名利足以寄嘯傲其傳述乎詩詞者
高賢逸民足以資蒐羅短裁促筆各自爲書前人如吳船入
蜀其最著矣近世則有余澹心板橋雜記亦未嘗廢焉然此
祇可與嶽崎歷落者道而難爲藝客要人言也因走筆書于
卷首紀其實而夜漏三下戶外已堆雪一尺餘矣東坡愚弟
熊士鵬拜撰

漢口叢談

凡例

一漢口水源爲東漢水有沔漾之名亦曰夏口前人歧說紛
紛今證以經史其間別流支川會于漢者亦爲臚列按載
古注以辨之欲其眉目清晰也閱者幸勿訝其巋贅彭湘
襄漢口攷一篇余未見之故不錄入

一漢口重鎮坊市街衢花宮梵宇指不勝屈今就大畧紀之
若招提會館或有文人題詠尙冀同志者錄示再爲編續
幸甚

一漢口人物地雖一隅亦復不少但已採入邑乘者自可不
煩贅記

一漢口市井俗漸澆漓生計勞勞反衰于昔安得起而振之

復歸淳厚是以前人嘉言懿行因類紀之俾閱者警心神
悟至於逸事奇聞畧有涉于漢口亦爲附載

一漢口青樓墨池幽巷槃饌羶葷自不足錄但今昔諛人無
不流連江漢形諸篇什花月新聞版橋襍記亦前人所不
棄因取黃心盦漢口漫記吳格叁閨情麗品有關於風雅
諛詞者錄之

一說文叢聚也談語也余少失學舛陋寔多性復疏懶落落
寡交其中或爲漢口在籍或爲漢口寓公諛文之集無從
借閱又恐其久而淪沒故雖不關於漢口者亦聚而語之
隨得隨書既無倫次亦多挂漏叢脞之談卽謂之諛語亦
可

漢口叢談卷一

烏程 范 錯 白舫

禹貢嶓冢導漾東流爲漢又東爲滄浪之水過三澨至于大
別南入于江

傳曰泉始出山爲漾水東南流爲沔水至漢中東流爲漢
水

漢志顏師古曰漾水出隴西氐道東流過武關山南爲漢
禹治漾水自嶓冢始也又出荆山東南流爲滄浪之水卽
漁父所歌者也又三澨水在江夏竟陵又觸大別山而南
入江也

國朝胡渭禹貢錐指易氏曰漢水自興元南鄭縣又七十

漢口諸記
二里至城固縣北又三百里至洋州興道縣南又五百里
至金州西城縣北又六百八十里至均州武當縣西北四
十里水中有滄浪洲又名滄浪水東南流三百六十里至
襄陽府襄陽縣又三百二十里至郢州長壽縣又三百里
至復州景陵縣又東至漢陽縣大別山之東北入江說文
滋埤增水邊土人所止也按孔傳以三澨爲水名不如說
文精確

山海經海內東經漢水出鮒魚之山

郭璞注曰書嶓冢導漾東流爲漢 國朝畢沅曰漾自甘
肅秦州至陝西寧羌州合于東漢水曰沔水云鮒魚山者
常璩夔陽國志沔陽縣有魚穴濁水出鮒今爲沔縣漢水
逕此或恐鮒魚山卽謂沔陽諸山也

左傳定公四年蔡侯吳子唐侯伐楚舍舟于淮汭自豫章與
楚夾漢左司馬戍謂子常曰子沿漢而與之上下我悉方城
外以毀其舟還塞大隧直轅冥阨子濟漢而伐之我自後擊
之必大敗之又史皇謂子常楚人惡子而好司馬若司馬毀
吳舟于淮塞城口而人是獨克吳也子必速戰不然不免乃
濟漢而陳自小別至于大別

按元和志小別山在漢川縣東南五十里樂叟太平寰宇
記山形如甌土諺謂之甌山三別相距百二十餘里

戰國策燕策蘇代約燕王曰蜀地之甲輕舟浮于汶乘夏水
而下江五日而至郢漢中之甲乘舟出于巴乘夏水而下漢
四日而至五渚又曰我下軹道南陽封冀包兩周乘夏水浮
輕舟强弩在前鉞戈在後决滎口魏無大梁

張衡南都賦流滄浪而為隍廓方城而為墉

李善注書曰又東為滄浪之水左傳曰楚國方城以為城

漢水以為池

漢志隴西郡氐道注禹貢養水所出至武都為漢

又武都郡武都注東漢水受氐道水一名沔過江夏謂之夏

水入江又沮水南入沙羨南入江過郡五行四千里

又漢中郡沔陽注應劭曰沔水出武都東南入江如淳曰此

方人謂漢水為沔水

又江夏郡高帝置屬荊州應劭曰沔水自江別至南郡荊容

為夏水過郡入江故曰江夏

按過郡五謂武都漢中南陽南郡江夏胡氏錐指曰氐道武都脈絡不

通川渠阻隔武都受漾為不可據

水經沔水出武都沮縣東狼谷中東過南鄭縣南又東過城

固縣南又東過魏興安陽縣南泝水出自旱山北注之又東

過堵陽縣堵水出自上粉縣北流注之又東過湏鄉南又東

北流又屈東南過武當縣東北酈注縣西北四十里漢水中

之干齡洲非也是世俗音譌音與字變矣又東南過涉都城東北又東南過鄧縣

之西南又南過穀城東又南過陰縣之西又南過筑陽縣東

筑水出自房陵縣東過其縣南流注同又東過山都縣東北

又東過襄陽縣北又從縣東屈西南涓水從北來注之又東

過中廬縣東淮水自房陵縣淮山東流注之又南過卽縣東

北又南過空城縣東夷水出自房陵縣東流注之又東過荆

城東又東南過江夏雲杜縣東夏水從西來注之又南至江

夏沙羨縣北南入于江沔水與江合流又東過彭蠡澤

又夏水出江津于江陵縣東南東過萇容縣南又東至江夏雲杜縣入于沔

又澗水出蔡陽縣東南過隨州西又南過江夏安陸縣西又東南入于夏

又澠水出江夏平春縣西南過安陸縣入于澗

水經注沔水又東逕沌水口水南通沔陽縣之太白湖湖水東南通江謂之沌口

又沔水又東逕沔陽縣北處沌水之陽也又東逕臨嶂故城北建興二年太尉陶侃爲荊州鎮此也

又應劭十三州記江別入沔爲夏水源夫夏之爲名始于分江冬竭夏流故納厥稱既有中夏之目亦苞大夏之名矣當其決入之所謂之堵口焉

劉澄之永初出川記夏水古文以爲滄浪水漁父所歌也

按白堵口下沔水通兼夏月而會于江謂之夏汭左傳楚

子伐吳遠射以繁陽之師會于夏汭注漢水曲入江處

杜祐通典秦州上邽縣嶓冢山西漢水所出經嘉陵曰嘉陵江經閬中曰閬江漢中金牛縣嶓冢山禹導漾水東流爲漢水亦曰沔水

李吉甫元和郡縣志嶓冢山在興元府金牛縣東二十八里漢水出焉經南鄭縣南去縣百步禹貢嶓冢導漾東流爲漢是也

王象之輿地紀勝今之言漢水以西縣之嶓冢山爲源此卽後魏之嶓冢縣隋更名西縣者非隴西之西縣今在秦州者也

王應麟玉海註地理攷注黃氏曰江水自茂州汶山縣至通
州海縣入海漢水二源一源出秦州天水縣謂之西漢水至
恭州巴中縣入江一源出大安軍三泉縣謂之東漢水至漢
陽軍入江李氏曰漢水出興元府西縣嶓冢山東流至漢陽
軍大別山南入于江

按漢志西縣注禹貢嶓冢山西漢所出南入廣漢白水東
南至江州入江此西漢水非禹貢導漾東流之漢也以今
輿地言之西漢水出陝西寶雞縣大散關之陽西經鳳縣
嘉陵谷爲嘉陵江又西南經朝天關受潛水入蜀因以西
名經所謂沉潛既導鄭氏所謂漢別爲潛是也又經昭化
縣東南與白水會又經保寧府西南爲閬水又經定遠縣
東南渠江注之又南行涪江注之合流爲墊江楊慎丹鉛

錄古墊江卽今合州也則今之墊江古之桂溪也又經重
慶府城東入江水經注漢水合涪水東南至江州入江庾
氏所謂涪內水也杜詩注自渝至合州者謂之內江自渝
經戎瀘上蜀者謂之外江至閬水曲折三回形如巴字故
又謂之巴江此西漢之源由重慶府巴縣入岷江而下也
漾水出寧羌州嶓冢山東北流經沔縣西南合沔水又東
經沔縣南又東經褒城縣南又東經南鄭縣南爲漢水所
謂導漾爲漢也又經湖北之均州北所謂又東爲滄浪之
水也又經漢陽大別山入江所謂過三澨至于大別南入
于江也蓋禹貢導漾之漢悉以東流後人遂以名東漢水
云此東漢之源漢口所承之上流也漢有沔漾之名皆東
漢水也攷杜氏所言上邽故城在今鞏昌府秦州西南而

金牛舊縣在今漢中府寧羌州西北其嶓冢山在今沔縣西南接寧羌州界元和志之南鄭今陝西漢中府治其故城在今府城東北魏地形志華陽郡嶓冢縣有嶓冢山漢水出焉嶓冢故城在今沔縣白馬城東南五里王士禎蜀道驛程記嶓冢導漾乃沔縣之嶓冢非秦州之嶓冢知嶓冢有二則東西兩漢源流各自了然漾之與沔本爲一流與隴西之嶓冢都無交涉常氏之誤可不辨而明矣常璩華陽國記漢水有二源東源出武都氏道縣漾山爲漾水禹貢導漾東流爲漢是也西源出隴西嶓冢山會白水逕葭萌入漢始源曰沔

按漢志水經皆以漾水出隴西氏道常氏承謬復誤漾山之名又以西源爲沔其誤已甚而蔡傳引常氏曰其西源

出隴西嶓冢山會泉始源曰沔逕葭萌入漢東源在今西縣之西西源在今三泉縣之東也攷泉本白水二字傳寫者誤合爲泉字當作會白水逕葭萌入漢蔡氏又易始源曰沔四字于逕葭萌句上其所謂西縣亦指隋改之西縣而誤認爲卽漢之西縣矣至三泉縣本漢葭萌縣地唐武德初分置三泉縣在利州東北一百五十里天寶初移治嘉陵江東一里關城倉陌沙水之西西南去故城一百二十里卽宋故大安軍也今在寧羌州西北金牛驛西六十里北距隴西嶓冢山六百餘里而謂西源在三泉之東相距懸絕外鎔更甚胡氏辨之詳矣茲因攷漢口水源故附記之

又山海經西山經嶓冢之山漢水出焉而東南流注于沔

漢口叢書
注今在武都氏道縣南畢氏沅曰山在今甘肅秦州西南
六十里此西漢水也按沔清本作江畢据劉昭注郡國志
作沔恐誤攷秦州卽漢西及氏道兩縣地

京山李元太初氏著蜀水經辨漢水云神禹治水因其壅
塞者導之不必定溯水源如導河自積石積石非河之源
岷山導江岷山非江之源世人不察遂以寧羌州之分水
嶺爲嶓冢山山以東之水皆東流山以西之水皆西流抑
思畧陽巨流置而不問偏指一隅之水亦太迂滯矣禹貢
無西漢之導漢水不必盡出嶓冢陝境自太白山而西南
鳳嶺紫柏大山聯絡谿水分流皆可指爲嶓冢不必定指
一山括地志謂山在金牛縣東二十八里漢中志謂山在
寧羌州北九十里專其山以實之于水源何據也若酈注

以西漢爲漾常志以西漢始源爲沔楊慎又以閬水爲漾
皆屬附會至黃黎洲以嘉陵江爲東漢誤之又誤矣

襄陽府東南三十里漢水中有龍尾洲縣志云漢水重濁與
大河相似襄陽實當其衝爲患最劇自唐以來皆築隄遠城
以防潰決明正統嘉靖間兩被漂溺俱以大隄廢損故也嘉
靖四十五年漢水溢樊城城北舊有大隄城南面江一帶皆
輒城盡潰決議者謂樊城潰則襄城無患于是疏塞不蚤樊
城之富庶漸衰

沔陽州在府南少東三百三十里水距縣一百里州志云漢
水由荆門州界折而東大小羣川咸匯焉勢盛流濁漫溢盪
決爲患無已而潛江地居汙下遂爲厭水之壑一望瀾漫無
復涯際漢水經其間重湖浩渺經流支川不可辨也蓋漢水

漢口叢書
爲湖北之害而襄郢二州爲甚潛江又承襄郢之委流當漢江曲折回合之處瀦爲大澤勢不能免矣而天門沔陽又潛江之委流也今沔陽四境惟湖陂連亘幾數百里皆爲漢水所滙漢水性曲往往十里九灣語曰勁莫如濟曲莫如漢郢沔之間波流回盪自必瀦爲藪澤小民見填淤之利復從而隄防之爲民牧者又不講于節宣之宜疏濬之理歲月之間苟幸無事大水一至則委之洪濤中耳

童承叙曰漢水至濁與江湖水合其流必澄故常填淤而沮澤之區因成沃壤民漸芟剔墾爲阡陌又因其地之高下修隄防以障之大者廣輪數十里小者十餘里謂之曰院其不可隄者悉棄爲萊蕪昔時院必有長統丁夫主修葺其後淤久弊滋修不以時院愈多水愈迫客隄愈高主隄愈卑故水至不得寬緩湍怒迅激勢必衝齧主隄先受其害客隄隨之汎濫洶湧悉爲巨浸矣按漢口一鎮隄高地濶或無此患然近年來大馬頭以下被水衝潰昔時街市今成河渙長及里許錄此以爲有守土者講求水利之一助云

漢陽漢爲江夏郡領安陸沙羨兩縣三國時爲吳魏之交遂各置江夏郡吳立石陽縣晉太康元年改石陽爲曲陽以沙羨爲沙陽永興二年改曲陽爲曲陵復置潯陽沌陽二縣梁天監省沌陽入安陸改梁安郡隋開皇九年爲沔州時罷天下諸郡宋以州統縣大業元年改沔州爲復州置漢津縣餘縣省二年改漢津爲漢陽唐武德四年析漢陽置汧川縣尋廢貞觀元年分天下爲十道境屬沔州漢陽郡開元二十一年分天下爲十五道境爲江南西道建中二年仍爲漢陽郡

四年復改爲沔州寶曆二年屬鄂州周顯德五年爲漢陽軍
宋淳化四年爲荆湖北路時分天下爲十五路元祐元年復
爲漢陽軍元至元十九年爲漢陽府江水在城東南漢水在
城北三里元和志漢陽縣漢水一名沔水西自汶川縣界流
入漢口在縣東亦曰夏口左傳謂之夏汭章懷太子注後漢
書云漢水始欲出大江爲夏口又謂沔口實在江北也
明秦聚奎府志水自竟陵乾灘鎮入漢川之田二河經張池
口兩河口循縣治下湏口然後經蔡店臨嶂山郭師口又北
出大別山後東入于江者漢之正流也

隄防攷云舊時漢水從黃金口入排沙口東北折抱牯牛洲
至鵝公口又西南轉北至郭師口對岸曰襄河口約長四十
里然後下漢口成化初忽于排沙口下郭師口上直通一道
約長十里漢水逕從此下而故道遂淤今魚利畧成不通舟
楫俗呼曰襄河以上流自襄陽來也按漢水本東行瀾大別
之陂而南回入江今則自郭師口以上決而東逕大別山後
入江非復古之夏汭矣

乾隆十三年劉嗣孔漢陽縣志晉初改石陽爲曲陵徙治卻
月城距今縣治十里許舊襄河北宋泰始六年併曲陵入安
陸而城廢其工築近遠城垣丈尺紀載闕如隋開皇十八年
立漢津縣始在今治大業初改漢陽唐武德四年置漢陽郡
枕魯山而城之在漢之陰而曰陽本穀梁傳水北曰陽而名
之也

又沔水之下尾與漢合流乃始入江故稱沔口過江夏謂之
夏水故又名夏口自孫權築城于黃鵠山東北以夏口爲名

於是夏口之稱移于江南而漢水所出專名沔口故何尚之謂夏口在荆江之中正對沔口通接梁雍是爲要津也舊志曰三國志以前史傳多言沔不言漢三國志以後多言漢不言沔後人不察妄疑沔漢爲二

又廢襄河離漢口北岸十里許卽古漢水正道久淤夏殊水漲名瀟湘河春涸草生名黃花地許纘會滇黔紀程由漢口陸路沿江東北行若時值二三月黃花爛漫千頃一色土人謂之黃花地惟漢上有之他處所罕見也

漢陽郡城與武昌對峙大江環抱東南漢水合瀟水沌水與大江會于郡北

水經注沌水上承沌陽縣之白湖東南流爲沌水逕沌陽縣南注于江謂之沌口有沌陽都尉治晉永嘉六年王敦以陶

侃爲荊州鎮此

沌水在縣治西南三十里漢水別出三汊滙太白湖至于沌口南入于江今按沌水受太白全湖之委下流爲馬影爹河東北經香鑪山上下蒲潭又東過小軍山東經文山寺下十里入于江

按東漢世祖建武元年始置沌陽縣後廢入沙羨晉永興二年復置陳書武帝誅王僧辯以周鐵虎封沌陽侯張舜民曰下汊故鎮南對金口自沌口至下汊五十餘里金口在鄂州西南金口之下卽竇家沙江之西有沌口

又瀟水上承沔水于安陸縣而東逕瀟陽縣東南入于江按瀟水在縣北四十里其水自黃陂入漢陽界與淪索二水合流南入大江晉陶侃將朱伺請以安陸東境置瀟陽

城

又澗水出蔡陽縣東南大洪山山在隋郡西南竟陵之東北
澗水東南逕隋縣西縣古隋國又東南過江夏安陸縣西歷
橫尾山又東南入于夏水澗水又南分爲二水東通瀟水西
入于沔謂之澗口

按通典安陸縣有澗水亦名澗口元和志澗水故清發水
也西北自隋縣流入注于沔今在漢陽縣西北

三淪河在縣北二十五里元史至元十一年伯顏伐宋次漢
口兵不得進千戶馬福言淪河口可通沙蕪入江乃自漢口
開埧引船入淪河逕趨沙蕪遂入大江卽此

瀟湘湖在縣北十里其水南流分二支經東流入漢水爲楊
林口一支稍西南流亦入漢口水汎時遊船如織

北湖土壩在漢口北岸里許古漢水正道久淤夏秋水漲舟
至瀟口卽由此湖達瀟湘湖應馬湖牛湖而行

行水金鑑注漢陽縣西臨嶂山下有沌陽廢縣一作林鄣俗
名城頭山陶侃屯兵處在今縣治西六十里

漢獻帝建安十三年劉表使黃祖爲江夏太守守沙羨卻
月二城孫權遣董襲凌統攻而擒之遂屠其城是年魏軍
南下昭烈帝自樊城奔夏口因合周瑜破曹沙羨注原沌
陽縣沌水之陽後廢入沙羨也

元和志魯山一名大別山水經注山左卽沔口沔左有却月
城亦曰偃月壘戴監軍築故曲陵縣也卽後漢沙羨縣治

按宋史度宗咸淳十年元伯顏由蔡店至沙蕪口襲青山
磯今縣治西北三十里有地名沙口與青山磯對當卽古

之沙蕪口蕪亦羨音之轉則古之沙羨在今漢口左岸漢陽黃陂之間矣縣志却月城在城北七里寰宇記以形如却月故名又馬騎城在却月城西二里荊州記城周五里高一丈長棚岡卽其舊址岡今無攷又漢陰城在城西四十五里漢陰山下皆不詳所築于何時也又蕭公廢城舊志云在城北五里梁武帝初起兵常築城于漢口時未卽位故稱蕭公城明趙弼馬騎城詩落日荒林宿靄收馬騎城下碧波流水光山色無窮盡釀作訛人浩蕩愁朱衣蕭公城訛渺渺長江水鬼鬼別山臺日月夏禹遠時運蕭梁來鞭驅十萬人版築飛塵埃遺禍起大業屠戮良可哀古城今荒蕪久立但裋裋按此二訛明季城址猶可追尋也余疑蕭公馬騎却月三城皆在今漢口左近惜無從攷耳

季漢章武元年吳使陸遜諸葛瑾屯沔口又孫權征江夏圍石陽不克而還按石陽本吳所立後入魏也

晉王廙刺荊州留長史王俊鎮陽口壘杜曾攻陷之桀勝遂造沔口廙使豫章太守周訪擊之進至沌陽從後擊之曾大潰

齊中興元年二月蕭衍命王茂曹景宗爲前軍至漢口郢州刺史張冲遣兵迎戰茂等擊破之衍築漢口城以守魯山七月王茂曹景宗乘水漲襲加湖郢魯二城相視奪氣魯山糧乏將奔夏口衍斷其走路孫樂祖時守魯山以城降

按衍築漢口城殆卽蕭公廢城也

漢口見于史始此

梁大寶二年五月王僧辯引兵東下至漢口攻魯山擒賊將支化仁

太平二年陳侯安都帥兵至武昌梁王琳將樊猛棄城走軍至鄂州圍之未克而王琳至安都乃悉眾詣沌口合戰大敗隋開皇九年秦王俊督兵屯漢口陳以周羅睺督諸軍拒之宋咸淳十年十二月元伯顏至蔡店大會諸將刻期渡江時淮西閩臣夏貴以漢鄂舟師分據要害彌亘三十餘里兵不能進乃圍漢陽聲言取漢口渡江貴移兵來援不勝知漢陽軍王儀以城降

明正德六年流盜劉六劉七等往來江上自漢口犯東門通判徐弼集木爲架登城哨守

崇禎八年正月河北賊滿天星張大受等自麻城抵漢口殺掠殊甚十六年癸未正月十五日獻賊破漢川縣連陷蘄水蘄州黃州殺戮甚慘四月十六日抵漢口十七日登城已虛

無人矣晝鼓吹行掠夜歸漢口營十八日省兵陳于江夜二鼓舟中發伏郎機鉛子落賊營賊驚宵遁

漢口鎮在城北三里有居仁由義循禮大智四坊當江漢二水之衝七省要道五方雜處分爲上下二路居仁由義二坊爲上路自艾家嘴至金庭公店屬仁義司汛地循禮大智二坊爲下路自金庭公店下至額公祠屬禮智司汛地同知署舊在大智坊四官殿後廢而復設卽今之督捕清軍同知也

巡檢司署舊在南岸後移北岸同知舊署嗣同知復設巡檢退居民舍因卽爲署改名禮智司雍正五年增設仁義司巡檢署在居仁坊舊天主堂

雍正八年增設水師外委千把總署水師額外外委署

水師守備署乾隆三年移駐大智坊

乾隆三年總督德沛奏請以武昌水師營守備一員千總一員把總二員經制兵二百八十一名歸併漢陽營移駐漢口仍管理水師船隻事務以資巡緝警虞所謂五方雜處姦宄是防也上下各設有關隘屬于武昌征稅上自襄河下及大江舟楫往來藉以稽防奸盜上關至下關東西二十餘里唐裔潢風水論云漢陽府城龍脈自九真山發源從西門入城先結鳳棲府基後結大別北障而大別山頭從東拖下餘氣自木場走南岸以爲後託直至月湖口方止其上卽有臥虎山黑石山鎮鎖兜住十分有力是南岸爲府城後託矣漢口龍脈乃平洋龍也平洋最宜坐空朝滿今漢口以大別爲朝山南岸爲近案後湖空曠正合坐空朝滿之局從前未盛者以水未繞也明成化初水通前道故河遂淤于是漢口有興機矣蓋漢口初一蘆洲耳洪武間未有民居至天順間始有民人張添爵等祖父在此築基蓋屋嘉靖四年丈量上岸有張添爵房屋六百三十間下岸有徐文高等屋六百五十一間漢口漸盛因有小河水通商賈可以泊船故今爲天下名區經云行到平洋莫問艇祇觀水繞是真龍又云風吹水激壽丁長避水避風真絕地漢口之盛所以由于小河也然小河之水實賴兩岸夾住旋繞入江康熙二十年前南岸兩傍皆有房屋中間街道可容車輿自二十年後日漸崩墮邇來愈甚北岸亦有冲裂揆其所由總因鎮鎖水口之巽山鑿石打傷兜收無力水無拘束故蕩洗如此是壞府城之後託敗漢口之近案也盛可保乎無如蓋造房屋者只顧賤買巒

漢口叢書
石以砌牆不知實割已肉以補瘡語云皮之不存毛將安附
倘風水既壞水道他徙雖有高塹厚牆亦難永享也昔之金
沙洲可鑒矣

按唐裔漢字澤元貢生工詩文王翰字東自少嗜學精究
制藝康熙壬午副貢與澤元齊名兩人亦深相印契學者
稱王唐二先生漢上少年爲文知派別有師承者皆知爲
兩人之及門也

巽山在縣治西五里漢鎮南岸居民每采石于此奉文勒石
永禁按漢河之水發源于漢中千里奔騰以至於斯全賴巽
山女郎諸山以爲砥柱爰是水歸沙聚而民賴以安所闢井
淺鮮也嗣因山主吳漢義羅必第等貪一己之利每日雇倩
匠人打鑿石塊隨地掘掘傷損氣脈以致漢口南北兩河岸

崖崩地裂火災頻聞時有舉貢生員唐裔漢黃昌等呈請立
碑永禁其言巽山之視漢城漢口位居西邊戌方火庫之地
而漢城位居午方漢口大智坊位居寅方庫破火現故丙丁
火年戌癸化火之年寅午戌火局之年異常火災多在寅方
午方此寅午戌三方弔照之理也如康熙二十六年丁卯六
月十七日江口失火燒回龍寺四官殿廟宇房屋何止數千
人民淹焚何止千百此丁火年卯合戌庫而寅方異災也次
年戊辰九月漢城失火燒府署頭門鼓樓南紀城樓朝宗門
樓縣學明倫堂居民房屋又不待言此化火戊年辰衝戌庫
而午方異災也近如丙戌年六月十八日漢口由義坊失火
延及大智坊楊林口無人住處方止人民水火死者不計其
數此丙火年正值戌庫燒及寅方之異災也戊子九月初十

日江口失火延及南岸湖南糧船與紅船客舟燒燬甚多人
民死者慘不忍言此化火戊戌年亦值戌月而寅方又一異灾
也本年兩次大火前則甲申之月以申冲寅故南岸午方燒
及漢口寅方後則丙戌之月三合火局故漢口寅方燒及漢
城午方此火局寅年弔照戌庫尤爲異常火災也凡此異災
皆由火庫打破遂致貽害之慘酷乞爲上者軫念民依培植
風水勒碑永禁康熙五十二年六十一年雍正九年奉府三
勒禁碑漢城巽山湯家山石馬山四處

按明天啟三年癸亥正月漢口火傷人無數至有一家死
五十三口者此亦戊癸化火之年正月建寅與亥合也康
熙三十七年戊寅五月漢口火延焚數千家此又化火而
寅午相值也近嘉慶十五年庚午四月辛巳二十日甲辰

夜循禮坊失火延及大智坊二十二日始熄數里之間戶
口十餘萬兩晝夜悉成灰燼此火年火月火日之異災也
宋范成大吳船錄丁丑發石首百七十里至魯家洲自此至
鄂渚有兩塗一路遵大江過岳陽及臨湖嘉魚二縣岳陽過
洞庭處波浪連天有風卽不可行故客舟多避之一路自魯
家洲入沌沌者江旁支流如流之沔其廣僅過運河不畏風
浪兩岸皆蘆荻時時有人家但支港通諸小湖故爲盜區客
舟非結伴作氣不可行偶有鄂兵二百庚戌欲歸過荆南遂
以舟載使偕行自魯家洲避大江入沌月明行三十里宿戊
寅己卯皆早暮行沌中庚辰行過所謂百里荒者皆湖澤菱
蘆不復人跡巨盜之所出沒月色如晝將士甚武徹夜鳴榔
弓弩上弦擊鼓鉦以行至曉不止早出大江午至鄂渚泊鸚

漢口叢書
鷓洲前南市隄下南市在城外沿江數萬家廛閤甚盛列肆如櫛酒壚樓欄尤壯麗外郡未見其比蓋川廣荆襄淮浙貿遷之會貨物之至者無不售且不問多少一日可盡其盛壯如此丁亥風作不可行戊子早解維欲出江風不已至暮逾甚又留一夕土人云上江社前後輒大風數日謂之社風上下水船悉不行果然已丑社風少緩解維小泊漢口漢水自北岸出清碧可鑑合大江濁流始不相入行里許則爲江水所勝渾而一色凡水自兩岸出于江者皆然其行緩故得激瑩大江如激箭萬里奔流不得不濁也午後風息通行百八十里至三江口宿三江之名所在多有凡水參會處皆稱之按宋時漢陽南市之盛甲于他郡後爲江水衝蝕舟莫能停是以商賈貨物咸集于漢口矣

明萬曆元年顯准湖廣衡永荆岳長沙漕糧原在成陵磯交兌者改併漢口水次十一年漢口交兌于金沙洲陳公套水次

縣志漢口渡有六一在宗三廟一在五顯廟一在老官廟一在沈家廟一在接駕嘴一在四官殿也又郭師口渡在漢口西外五甲平塘渡在漢口上十里一名鑿堂相傳爲伯牙彈琴處蔡店渡又在六十里此皆漢口渡河過郡城之路也今則處處有渡招招舟子印須我友矣
又老官渡集在城西八十里九真山下其西五里有索河集夏殊水漲貿遷者甚輻輳平時則收買白布轉販漢口鎮市小民夜成匹朝則抱布以售焉

又漢口後河樸瀨者每于地獲小白鼠好事者得以爲戲飼

漢口叢書
之竹籠

又漢口人呼焮蟬爲焮孃其名甚雅可以入誣
又漢江會流處上有石銘云下至水府三十一里相傳李斯
刻石如此天下水府十八處

漢獻帝建安二年九月漢水溢

漢後帝建興七年卽吳大帝黃龍元年夏口言黃龍見夏四
月夏口言鳳皇見

晉懷帝永嘉三年大旱江漢可涉

元至正十二年漢口天雨紛緘民家門戶柱壁有粉暈如緘
者無數明年三月月食太白徐壽輝倡亂于漢沔十五年冬
漢口雨黑雪

明宏治二年春漢口雨小豆種之蔓生不實

崇正十六年五月晦大雨雹是日張獻忠陷武昌漢地殺掠
甚慘先是有道士過小軍山語土人曰此山有二蛇慎毋害
之否則不利于此土也已而一斃于犬一爲田夫所斲皆長
八九尺未幾張李之亂居民焚掠無遺

漢水出荷葉魚形如荷葉味似鼈尾有毒刺公而烹之

鮑魚須野菜也三四月出水濱蘆葦中味甚鮮

西番蓮種出漢上花心圓圈弄之回環不窮取之不脫有鬚
一百八數

羊肉菜卽橙芽採初生者濯以沸水曝以供槃可以下酒

鑊竹引泉漢口小河內藏鐵索其長不可勝計順治九年河
涸居民曰拽之疊成高阜莫能窮盡明年水漲鐵索仍沒攷
之博物者皆未知其故

述異記康熙三十四年五月湖廣漢口天雨豆好事者攜至
余得二顆大如小赤豆紫色有一點異處如蒂然絕不類豆
聞尙有大者余未之見也

滇黔紀程漢口南數里爲漢陽府治東渡江卽武昌府治十
里之內置郡者二蓋上當滇黔秦蜀之衝下控左右兩江之
要故特于此嚴鎖鑰焉

府志大江環抱郡城公城僅數十丈白荊州府監利縣而下
會沌口過城南經大別東北與漢合流者江之正流也又一
支自沔陽播爲陽明諸湖接太白湖由沌口入江一支自沔
陽播爲黃蓬湖經上平至邑之下平由新灘入江一支自孝
感經邑之石潭河至黃陂沙口出江此皆漢水滌紆滙江水
別出之沱枝流派演江弱則下流歸江江盛則逆漾而轉注

隣境諸河此皆現今江漢水勢強弱之消長也古所謂沱潛
滇沌諸水雖各有主名而諸水入江之口皆挾漢水同流沱
口新灘在縣西南沙口在縣東北

宋陸游入蜀記登石鏡亭石城山之一隅也正枕大江其西
與漢陽相對止隔一水人物艸木可數昔李白鵬于江城之
南湖卽此湖也舊黃鶴樓在石鏡亭南樓之間正對鸚鵡洲
沿江邊隄上民居市肆數里不絕其間復有巷陌往來憧憧
不絕又鄂渚移舟江口回望隄上樓閣重複燈火歌呼夜分
乃已按此卽吳船錄所謂南市也

縣志大江自沔陽州東北流入邑界與武昌江夏縣分界又
東北會漢水入黃陂縣至沙口入黃岡縣界

順治三年丙戌科湖南未盡歸化定中額六十三名五年戊

子各直省行拔貢九年壬辰 詔督學停遣翰林用內翰林
十一年甲午 詔督學停遣翰林用僉事十八年辛丑加湖
廣鄉試中額十五名康熙二年癸卯 詔併歲科三年一考
罷八股文以論策取士停歲貢七年戊申 詔復以八股文
取士十一年壬子始以副榜准作貢生十三年甲寅復分歲
科兩試十四年乙卯湖廣停鄉試十六年丁巳科減入學額
大縣四名二十年辛酉復入學額大縣十五名二十九年庚
午科定武鄉試照文場事例三十五年丙子定湖廣鄉試中
額八十名雍正二年甲辰 詔湖南北分闈湖北中額五十
名四年丙午 詔五經副榜准作舉人

袁公隄明崇正八年通判袁焜創築自後居民漸集卽今之
隄街也在漢口鎮後鎮爲水陸要衝烟火數百萬家漢水經
其南湖水繞其西北大江橫其東舊志謂每值夏殊水漲四
面巨浸僅賴此隄爲屢居保障里人歲加修築終未完固水
勢若虐卽慮汎溢云此昔時之形今則民居鱗比十倍于前
但名隄街幾不知爲湖隄矣

隄後深溝廣約一二丈襟帶隄街由上路之大橋口起直至
下路隄口長十有餘里名玉帶河舊時大橋口下襄水入河
別繞鎮後至隄口東南流入江襄河本曲折而下又在鎮後
左右回環所以財聚漢口之盛甲于天下今大橋口外沙漲
日高玉帶河逐處淤塞或有居民架屋于上至于隄口市廛
相接莫知出江之道矣余昔年在漢夏水漲入猶見小艇往
來好事者作逍暑之游今故道尙存不通舟楫而河上木橋
橫跨或相距里許或半里許在在有之過橋謂之隄外復有

土人築室聚居近已上下成衢且有招提梵宇會館公所以
暢游人再後則爲後湖俗名黃花地又名瀟湘湖卽昔之廢
襄河也

明梁億遵閒錄云太祖征陳友諒王師至瀟湘賦詩曰馬渡
沙頭苜蓿香片雲片雨度瀟湘東風吹醒英雄夢不是咸陽
是洛陽天葩睿藻豪宕英邁有如此縣志按太祖殯友諒于
鄱湖追至武昌而返後一年又躬討陳理駐兵漢陽修其城
郭理降振旅凱旋足跡未嘗越江漢以南不當遠涉瀟湘也
惟漢口之後湖當時爲襄河故道一名瀟湘湖勒馬賦詩或
卽此耳

後湖卽廢襄河舊地北距黃陂孝感境三十餘里東西數十
里平疇曠野彌望無垠春時叢樹扶疏芳艸鮮美覆雲在地
流靄接天浪翻麥隴之風香滃菜畦之露復有茶肆羅列歌
管紛誼百鳥鳴籠時花當戶于是士女出游咸暢坐啜茗而
畱覽焉若于夏秋之交棟風吹後梅雨零餘江水汪洋湖田
汎溢烟波千頃蕩暄日以鎔金楊柳萬條蘸漪紋而搖翠比
鴛湖之權漚侶相隨分鶯脰之灘渌歌互荅或值炎威正熾
月影當流駕舴艋之輕舟拂蒲葵之小扇碧筩酒醉細葛衣
輕鋪湘簟枕桃笙相與道暑徹夜達旦而歸羣誇爲吳興之
水晶宮包山之銷夏灣不是過也風則驚濤駭浪溯洄湍濃
雨則跳沫皴瀾烟低霧羃倚樓憑檻吟眺咸宜迨夫冬日水
涸沙平艸衰霜隕遠山凝紫楓葉染丹則有彎弓健兒躍馬
蹶而角射短笛牧豎跨牛背以橫吹此四時晦明之殊景可
以游目騁懷爲漢口之勝處也

後湖茶肆上路以白樓爲最著白樓者白氏之故址也在大
觀音閣後百弓地闢畚土堅墁編槿爲籬積石成徑中構小
樓作東西兩箱軒窗豁達檻曲廊回之內皆設小座以供茗
坐外復四植楊柳綠陰叢幄翠浥襟帶間又築隄以高之大
水不沒可通游人往來樓外遠山幾抹隱隱青露朝雲暮霞
聒人眼目若干盛夏湖水平隄夕陽初落烟波淼渺燈影上
下映射水間渙櫛遠近響應沙渚消暑者接踵而至絺衣挂
樹涼風襲人七盃香生適然歌詠憇眺之勝以斯樓爲第一
余嘗有句云楊柳四圍遮不住看山都上白家樓黃心盦
增句云指點夕陽紅墜處夢雲湘雨一齊收林瑟庵夜鳳句
云晚烟歛盡鏡蟾出獨照幽人淪茗時張夢邨風句云小園
畱與人消夏多種叢楊覆影來多紀實也

後湖之有茶肆相傳自湖心亭始近茗湧金泉第五泉翠薊
蕙芳習習亭麗春軒之名爲著皆在下路雷祖殿三元殿後
其餘尙有數十處弭歌謔耳士女雜坐較上湖游人更盛湖
心亭地頗疏敞蓺花疊石位置亦宜余昔有詆躓壁云曲曲
欄干短短籬湖心亭外柳絲絲風翻芍藥徐熙畫雨灑黃梅
賀鑄詞人影散隨弢鼓宋茶香畱看月燈遲笑余贏得吟詆
興偏在文園病渴時黃心盦和之云下湖春比上湖多病渴
文園每夢過粉黛亦參盧陸座箏琶常鬧楚秦歌澆殘綠雪
銷清晝割盡黃雲賸翠莎只待鋪平瓜蔓水倚欄重約賦烟
波

涌金泉更爲爽塏復積年畚土築石以高之更造小樓重閣
白石紅欄掩映于綠楊陰裏殊有幽致登樓四眺北則黃陂

之風火木蘭二山相距或數十里或百餘里而遙霽色雲開
翠微遙露西南則漢陽之三山黛影參差常列窗外三山者
舊志所謂其山三峯竝峙一仙女二樓子三馬足故又名三
山景也南則大別當前花宮琳宇暈彩曜丹靜坐試茶似聞
鍾梵東則大江橫遶橋立颿飛時與烟雲起滅而湖中遠近
又有土阜布列數十處鄉人築室聚族而居以藝湖地菜麥
者故諸墩皆以姓氏名如吳家墩朱家墩之類傍多植以雜
樹遠望若山林然常芝仙道性有句云幾抹遠山輕染黛千
條新柳嫩含烟淺春芳景宛可入畫余和之云霽色雲開山
入畫斜陽暖合艸生烟

後湖俗名黃花地土人墾作徧種菜麥近成沃壤菜花齊放
麥穗低衆一片黃雲斜陽燦色真如七寶莊嚴布金滿地余
嘗偕常芝仙春時畝步芝仙有作云野曠烟無際陰濃一行
楊麥苗含淺碧菜蘗散淡黃春色已過半豪情殊未央與君
皆老大莫負此流光於寫景中寓及時行樂之意余和之云
散步偕良友重來春已中艸青迷野濶雲白漾天空盧陸畱
清韻嚴韓湖古風茶肆外復多醫術者曠裏縱談笑歸戀夕陽紅芝
仙又有句云紅袖嬉茶社青帘動酒人參差几幔談醫卜高
下樓臺弄管弜皆實錄也

程耕雲秉後湖柳枝詞六首云茶牆酒壁簇成邨長短枝交
白版門幾日斜風兼細雨不關送客也消魂一曲清冷湖水
潯照來着黛纔關心不知種自何人手護得紅樓爾許淡馬
蹏蹏麴塵生跪地鶯黃畫不成十里花飛湖上路東風野
館自清明湖麥青青湖艸香酒旗戲鼓劇郎當不須更唱黃

驄曲只聽鶯聲已斷腸
曼娜姓絲幾萬行
遠臨孤驛近橫塘
相逢又恐牽離思
陌上游人半異鄉
桃葉桃根結比隣
鸞兒湖上不勝春
憐他一種風流樹
曾拂當年解佩人
跌宕風流當付旗亭
歌唱黃心盦和作云
幾抹茶烟野店邊
黃花碧艸共芊芊
感人還是春楊柳
獨倚紅橋又一年
新傳拍手唱楊枝
玉帶河邊年少兒
爲有杜秋聽不得不
教翻入笛中吹
孫石樓^煦和作云
送盡行人又送春
橫隄一芻艸如茵
衣香帘影斜風裏
半是茶烟半麴塵
絲絲也解舞回波
好繫斑騅莫渡河
紅日漸低絳管急
上湖人少下湖多
此已卯春心盦在漢
倡和之作也時余羈
蜀未及與會因憶已
巳余與心盦方巖夫
軫約賦漢口柳枝詞
心盦詩云
十蕩臨歧卽灞橋
不曾離別亦魂銷
青青慣送朝天客
也向風塵折瘦腰
一棹瀟湘水漲寬
枝枝碧玉蘂銀瀾
愛他顧影多
曾嫵斜倚紅橋
盡日看余和之云
亭烟驛雨水迢迢
長送征颿逐暮潮
隔岸有山名大別
勸卽休
去折柔條舞倦東
風日幾回
平塘渡口浪成堆
讓他一覺偷眠好
莫遣流鶯喚醒來
折來苦憶送卽時
露葉如曉溼翠
睂漢水有時與江
合問卽何事
夢相離
兒子濤和云
一隄沙軟雨初勻
暈碧搖青獨弄春
恹底有河名玉帶
長將離思繫卽身
後湖湖畔踞青過
游女雙蛾掃翠螺
行到橋邊看楊柳
幾枝春少幾枝多
妾似欲絲牽不斷
卽如飛絮任斜飄
人都說是傷心樹
怕上春風六度橋
巖夫藁佚未及追
錄古人竹枝詞雜
叙土風柳枝詞專
以詠柳而音節悠
然抑揚合拍兩體
皆相似也

是年之夏後湖水漲與心盦黃穀原均及大兒^濤試茗後湖

詞云一夜茶亭汎水滄絲楊面面受風吹從教淨洗箏琶耳
來聽渙歌月上時蓋湖水漲時諸茶肆皆汨沒惟白樓與漏
金泉得以榻坐竽鼓宗然故云心盦和云打魚船泊柳隄陰
前日茶棚在水心只覺遠山都活動空中樓閣有浮沈穀原
和云後湖新漲水浮天傍岸叅楊綠染烟一片波光雲影外
遠山青上打魚船壽詞云夕陽初墮晚涼時萬頃烟波一舸
移我本自來還自公姓名那許白漚知

余與心盦旅食漢皋淪落不偶每于夕陽斜下則相約白樓
瀾茗以遣客愁故余有句云幾年同作江湖客一半茶寮笑
詠來歲在戊辰花朝日過心盦痘姥祠僧寓因邀湖上晚步
弱柳叅青春光過半心盦嘆曰宗膠羈旅春思全無矣余答
曰世情之冷暖在人不在我春思之有無在我不在人遂賦

百字令詞云嫩寒新霽向湖邊晚步夕陽初墜幾度東風吹
弱柳挽得青青如此杏又含嬌山還似笑爭獻韶光媚百花
生日作公成烟澹雲膩况值釀酒時過燒錢社近何處尋蠶
市紈扇阿誰輕撲蝶多付寶兒香姊賸有綈袍儘堪買醉莫
道無春思客愁拋去與君看盡紅紫心盦吟詠四三笑曰此
詞爲我解嘲耳因次韻云窺春快霽翠縷金一色碧絲新墜
那不攀條紫客緒憑借行吟遣此暖試鶯朝天憐花誕濃綠
添明媚平蕪小蹋青鞵黏得香膩休悵小杜而今尋芳較晚
浪跡淹塵市須信東風猶未嫁靜處東牆之姊杏閣評花旗
亭蕢酒好藉消才息幽探情愜暮烟一任沈紫

戊辰仲夏雨後湖上晚步心盦填瀟湘夜雨一解云時雨才
過樂郊相慶綠波半欲平湖麥苗得水勃然籟穀犬吠響連

浦淑炙虎掠影動菰蒲都堪供詞仙著句畫手成圖絺衣涼
襲渾忘夏半疑是秋初對晚風斜照柳曳疏疏新翠蓋團樂
巧障嬌粉面菡萏微舒閒情更凭欄話久雪碗屢茶呼余和
之云柳繫斜陽烟消碧水一番作弄新姓隄邊取次鬪莎行
風引處月團扇小涼透却雪白衫輕茶寮坐沈槍試茗活火
遲烹幾回相對榭花客序幾度心驚笑此身如寄漫計前程
傳別思重翻笛譜尋舊約肯負溫盟也惟有江湖集裏位置
我詞名心盦讀之曰結處語尤悽惋良以襄才莫售玩物撫
時其感慨固倍難爲情也

是秋八月林葢庵攜酒白樓相招看月心盦誚云塵海中人
樂此無欲將雅集勝南湖晚風初定水楊柳滿地月華如雪
鋪茶鑪翻作酒鑪新月樓頭漉角巾總爲夜游添小記風
沈誰似可山人余賦水調歌頭詞云千里楚江客瞥見歲時
催十年月夕花朝能幾共銜枯片片碧雲流盡又早蟾宮開
鏡清景滿樓臺人在水精闕定不遠蓬萊倚朱欄揮玉塵醉
新醅天涯照我鬢絲如許那勝裏何處錦屏香閣何處利鞢
名鞞對此亦衰衰風外試吹笛黃鶴合飛來心盦曰此又高
唱入雲矣巖夫曰怪底雲破月來也琴庵曰不知園內花弄
影否相與撫掌而笑浮一大白

心盦云後湖風景當以看新綠爲第一賦誚云輒襯紅羅艷
點梅能消幾日翠成堆窈窕眉黛窺淡淡闌盡斜陽未肯回
余和云幾疊遙嵐幾抹烟迷濛翠映蔚藍天東風吹染離亭
柳照影春波亦黯然

丁卯同人結新雨聯吟之社倡和極盛次年上巳心盦作甘

州一解以憶公歲湖上修禊之樂東余云是前裙水長公年
時輕影霽春容記麗人行處泥香蓮步湖印鸞蹤芳意偏憐
小艷閒採蕪來紅昨夢分明在那得朦朧還自蘭情稀會寫
烏絲醉墨人在牆東縱禊游意嬾肯復減吟悰數良辰易傷
晚晚已恩恩一十七番風須閒共酒沾平樂莫負春工余和
云又恩恩到了暮春時碎雨半敲花問何曾游冶歌徵錦瑟
射躍珠駟柰此輕陰放霽嬾日影窗紗禊歛裏前度已換年
華尚有重來蕪子見吟紅拾翠薄醉流霞聽呢喃不住可也
似含嗟倚瓊簫新詞待琢向東風挂起畫簾斜消魂處周情
柳思都在天涯巖夫云撫今感舊婉轉清歌讀此兩詞可知
勝會難逢良辰亦不易得也真我欲言慙今始慙矣
耕雲夏日顛白園壁云蹋徧芒屨破薛瓊茶烟吹出白家園

半窗疏竹斜通徑一路綠楊直到門性好登臨寧倦足秋非
離別也銷魂湖光眺盡平如掌何處青旗費酒郵又夜汎後
湖云送盡殘陽咽斷蟬半篙新漲水清漣紅燈照市人沾酒
明月吹簫夜放船楊柳風飄衣上露樓臺影落鏡中烟秋期
近矣雙星渡悵望銀河萬里天

周喬齡同人後湖晚步入市觀燈云湖田麥秀欲齊罽湖肆
茶香履鳥交傀儻登場箏聒耳春情多上柳梢梢萬林火樹
架星橋蹴蹋香塵市語囂自古繁華襄漢口清明以後試鐙

宵

漢口鐙事鼎盛
于二三月間

又中秋夜漢口竹枝詞云游女如雲漢水

隈衣香人影故裴裒宵行多露儂知畏貪看秋光蹋月來鏡
合刀還此夜嘉離鸞別鶴滿天涯人生畢竟團圓好虔蕪心
香禮月華秋色平分月色賒嫦娥竊葯有夫家今宵多少宐

勇信一路鑼聲聽送瓜萬戶千門爆竹轟喧脰不斷到三夏
算來一事差堪喜月盡才聞索欠聲俗例帳欠每節月杪索取
後湖一帶地平而曠遠春艸生時望無涯淡加諸茶寮市列
爭購名花春蘭秋菊各擅其芳以是騷人逸士估客寓公無
不流連光景呼茗榻畱加諸醫卜星相百伎咸呈日誼于秦
筑楚弭之外若愛幽靜者毋于樹陰僻處斜日下時儻然小
步空濶在望烟景離離大有合于吟襄者也肯逢夏五景異
春三水汎成波墩浮入鏡鳴榔隱隱溼子收罾擊鼓淵淵龍
舟競渡又極一時之盛余于湖水盈時嘗與心齋緩步憑眺
見有小艇架以紅欄揜以青幔倣六柱吳船之式以供游客
納涼余有誚云晚涼雲影浸玻璃拍拍鳧翁隔渚窺小艇紅
欄青幔好水烟淡處泊多時

蔣蔣邨後湖感賦云我來二月湖平沙寶馬絡繹馳香車牕
脂梅謝海棠坼水亭拉襍鳴箏琶我歸五月水沒渚隔林呬
啞響柔櫓田廬汎汎若鳧鷖遠帶高城襍平楚到眼頃刻成
滄桑但愛水色如瀟湘湖南市聲飛不到夕陽兩兩鳴溼榔
溼翁七十頭雪白爲言湖神能殺賊嘉慶初元蠡螳屯一叟
驚波飛霹靂雲車風馬圍周遭賊心膽寒空營逃漢口人家
百萬戶幸免赤立膏霜刀賊退湖乾沙路出高閣忽聞夜彈
瑟揮金不惜土木功誰念湖神營寸室我聽翁語重黯然自
占幽悵難問天伍子鴟夷亞夫餓弓藏烏盡終誰憐別翁歸
船枕舩臥江雨瀟瀟壓蓬墮荆榛剗盡豺虎空孰謂湖神賊
能破

